



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Claromonti Canonico Terdonensi.

urn:nbn:de:hbz:466:1-20006

» licto. Questam etiam illam quam super
» homines burgi Dolensis propter vindemias
» miandas vineas ego & prædecessores mei
» consueveramus facere, Deo & beatae Ma-
» riax ego & Dionysia uxor mea & heredes
» mei omnino & in perpetuum dimisimus, ita
» quod nullus hominum vel mulierum infra
» cruces burgi habitantium aliquid de cere-
» ro propter vineas vindemias per sol-
» vat, sed quandounque voluerint, libe-
» ram vindemandi habeant facultatem.
» Concessi etiam quod panni sine tintura
» qui fuerint in burgo Dolensi & in Castro
» Radulphi, sicuti burellum & reatum,
» quod fit ibidem, vendantur in burgi do-
» mibus, fenebris non apertis; panni etiam
» linei & canabei, undeque veniant, si-
» militer ibi vendantur. Homines etiam qui
» molas in burgo Dolensi adducere volue-
» rint, eas securè adducant & vendant, &
» ego vel homines mei nullam viam faciemus
» quo minus in burgo molæ adducantur &
» vendantur. Concessi præterea quod mer-
» cerij perducant merces suas & vendant in
» plateis burgi Dolensis, si Abbas voluerit,
» nisi forum vel nundinæ fuerint apud Ca-
» strum Radulphi, ita quod nullam alicui
» persolvant consuetudinem. Fabri etiam
» undecunque veniant, vendant ferrum fa-
» bricatum sine omni consuetudine. In om-
» nibus nundinis quæ fiunt in burgo Dolen-
» si, jacebunt mercatores, si voluerint, in
» burgo in vigiliis nundinarum & in die cum
» rebus & equitaturis suis. In nundinis vero
» quæ fiunt in burgo Dolensi in visitatione
» Dolensis Ecclesiæ, quas ego dedi, & in
» nundinis Annuntiationis beatæ Mariae
» quas D. Ebbo & D. Radulfus filius ejus de-
» derunt, quæ sunt trium dierum, jace-
» bunt mercatores, si voluerint, in burgo
» Dolensi in vigiliis nundinarum & in die,
» & altera sequenti die cum rebus & equi-
» taturis suis. Propter damna quæ ego intu-
» li Dolensi Ecclesiæ dedi in perpetuum
» Ecclesiæ decem modios bladi de frumen-
» to, de filagine, de hordeo, de avena, & qua-
» liter. Præterea concessi quod burgus de
» Maßlinio habeat eandem libertatem quam
» burgus Dolensis habet. Propter damna &
» injurias quæ homines mei fecerunt & Co-
» terelli apud Maßlinium concessi quod apud
» Maßlinium quotannis Dominica post festū
» S. Dionysij fiant nundinæ juxta consuetu-
» dinem nundinarum quæ fiunt in burgo Do-
» lensi in festo S. Michaëlis. In burgo de Ob-
» beis nihil habeo nisi questam unius marcas
» argenti & unam procriptionem mel in an-
» no, sicut D. Ebbo quondam habuit. Vil-

Tom. I.

lam de Hyonali tenebo & servabo liberam & immunem, redditæ mihi consueta cen-
fa avenæ. In domo de Oddolione non descendam nec hospitabor, nec aliquam violentiam irrogabo. Medietarij Dolensis Ecclesiæ erunt ab omni consuetudine & violentia liberi & immunes, & res mona- chorum vel hominum suorum non ca- pientur quandiu ipsi voluerint justitiam exhibere, vel Abbas, vel mandatum suum pro eis. Ut autem ista omnia habeant per- petuam firmitatem, ego juravi me illa in- violabiter servaturum, & præsentem pa- ginam sigilli mei munimine roboravi, & ad majus testimonium sigilla sancti Gilda- fij & Millebecensis Abbatum feci apponi. Hæc omnia sicut supra scripta sunt etiam Dionysia uxor mea & G. filius meus con- cesserunt. Hujus rati testes sunt isti. H. Prior Dolensis, A. Prior de Rocca Cerve- na, Aym. Eleemosynarius, P. Camerarius, P. Sacrista, A. Cellarius, O. Armarius, M. Hostellarius, P. Ferrandi, I. Archipresbyter Castri Radulfi, N. Correus Pelet, G. He- bodet, H. Vivertius, P. Garni, W. Atla- vi, A. Viventius, G. Bergorolæ, H. de Seusa, Ga. de Aventiniaco, A. Buret, G. Moralz, O. de Valenkai, Magister Erveus, R. Burgers, & B. frater ejus, G. filius ejus, Gir. Petest, Terr. Bonatus de Vriaco, Hu. Annellus, P. de Crescen. Iohannes scrip- tor Abbatis Dolensis, & multi alij. Aetum est hoc anno verbi in carnati MCCIII. Non Aprilis in capitulo Dolensi, regnante Phi- lippo Rege Francorum, Iohanne Re- ge Anglorum, sedente Innocentio Papa III. G. Præfule Bituricensi, Radulfo Abate Dolensi.] Nulli ergo &c. Datum Laterani III. Kal. Iulij.

CLAROMONTI CANONICO
Terdonensi.

CVm pro quæstione Terdonensis præ-
bendæ, quæ vertebat inter te ex Epist. 71.
una parte & venerabilem fratrem nostrum Ei confirmatut
Episcopum & dilectos filios Canonicos præbenda.
Terdonenses ex aliâ tu & procuratores Cap. 8. de con-
partis alterius in nostra effetis præsentia
constituti, vobis dilectum filium Hug. tituli S. Martini Presbyterum Cardinalem
concessimus auditorem. Coram quo pro- cessimus auditorem. Coram quo pro-
te taliter fuit allegatum, quod cum bonæ
memoria O. Episcopus Terdonensis pa-
trius tuus ab apostolica sede reversus
Terdonenses Canonicos attentiùs rogavis- Vide supra lib. 1.
set ut te recipieren in Canonicum & in epist. 131. 187.
fratrem, ipsis ejus precibus annuentes hilari-
ter te receperunt, nulla primæ vel fe-
OOO

cundæ præbendæ habita mentione, qui ab illo tempore usque nunc locum in choro & capitulo sicut alij Canonici habuisti, lectiones legisti in Ecclesia, & responsoria cantavisti, ac per prædictum Episcopum tibi fuerunt domus in ipsa canonica nomine Canonici assignatae, quas tu possedit ac possides in quiete. Et cùm iis eadem Ecclesia Terdonensi ex illis Canonicis qui præbendam in ea non possident tu primò institutus fueris & receptus, & nunc vacet beneficium in eadem, humiliiter postulabas à nobis ut Terdonensibus Canonicis dare dignaremur districtius in mandatis quòd vacans beneficium tibi omni dilatione postposita assignarent & facerent pacifica possessione gaudere. Procuratores verò partis alterius è contrario respondebant quòd cùm in Terdonensi Ecclesia certus sit Canonicorum numerus institutus & scriptis Romanorum Pontificum confirmatus, Canonicique constitutionem ipsam observare teneantur præstito juramento, nos ei literis nostris dedimus in mandatis ut dilectum filium B. Subdiaconum & Capellatum nostrum in Canonicum reciperen & in fratrem, eique præbendam sicut uni ex aliis Canonicis assignarent. Verùm quia statutus canonicorum numerus tunc in eadem Ecclesia plenus erat, mandatum nostrum non potuerunt executioni mandare. Post non modicum verò temporis prædictus O. quondam Episcopus persuasionibus, minis, & terroribus institit apud Canonicos Terdonenses ut te reciperen in Canonicum ad præbendam proximò vacaturam, eis constanter promittens quòd eos tam à petitione ciuium Terdonensium quām ab executione mandati apostolici quod ipsi pro ejusdem Subdiaconi nostri receptione reciperen liberaret; sive eos circumveniens fraudulenter, recipi te fecit ad præbendam proximò vacaturam. Cùm autem dilectus filius B. tituli sancti Petri ad vincula Presbyter Cardinalis in Lombardiae partibus legationis officio fungeretur, eundem Subdiaconum nostrum per quendam Clericum suum insti-tui fecit Canonicum Ecclesiae Terdonensis, assignans ei stallum in choro & locum in capitulo, præsente prædicto quondam Episcopo nec faciente de receptione tua aliquam mentionem. Sed prædicti Canonici institutionem de ipso B. factam, licet in publico non ostenderent propter insolentiam laicorum, ratam omnimodis haberunt. Cùmque circa præteritum Pascha dictus quondam Episcopus carnis de-

bitum exoluisset, & Episcopus qui nunc est fuisse subrogatus eidem, qui fuerat Archidiaconus Ecclesiae Terdonensis, præbendam vacantem iudicem Canonici prædicto Subdiacono nostro unanimiter decrevere conferri, sicut in eorum litteris perspeximus contineri, & ipsius procuratores Capituli prædictam præbendam vacantem in nostra sibi præsentia concesserunt. Vnde suppliciter perebatur à nobis ut institutionem tuam, tamquam contra Lateranense Concilium attentaram, penitus irritantes, & absolventes Terdonensem Ecclesiam ab imputatione tua, concessionem eidem Subdiacono nostro factam de præbenda prædicta dignaremur auctoritate apostolica confirmare. Nos igitur ex his quæ fuerunt hinc inde proposita certiores effecti per Cardinalem prædictum, concessionem prædicto Subdiacono nostro à Canonicis prædictis factam de præbenda prædicta de fratum nostrorum consilio ratam habentes, ei auctoritate apostolica duximus confirmandam. Verùm cùm tam assertione tua quām confessione constet partis alterius te in fratrem & Canonicum Terdonensis Ecclesia fuisse receptum, licet receptionem tuam factam contra Lateranense Concilium pars adversa proponat, quia tamen probatum non extitit, parte altera penitus hoc negante, nec ipsi Canonici hoc videbantur tibi opponere posse de jure, qui se fatebantur te contra statuta prædicti Concilij recepisse, sententiando decernimus ut tibi, quām citò se facultas obtulerit, præbendale beneficium in Terdonensi Ecclesia conferatur, cùm ex quo receptus es in Canonicum, non debeas carere præbenda. Volentes autem tecum benignitatem apostolicam exercere, ut non videaris diutius, sicut nec convenit, sine stipendio ecclesiastico militare, provida deliberatione statuimus ut fructus præbendæ prædicti Subdiaconi nostri tamdiu inter te & ipsum æqualiter dividantur donec præbendam tu fueris in Terdonensi Ecclesia consecutus. Datum Laterani v 11. Idus Iulij.

*ARELATENSI ARCHIEPISCOPO
& sancti Egidij & Vallis magnæ
Abbatibus.*

Cum accessissent olim ad apostolicam sedem dilecti filii M. monachus sancti Vvillelmi, qui Hu. quondam Abbatem ipsius loci super reatu perjurij, dilapidatione, ac dissolutione ordinis accusabat, ac

Epi. 71.
De accusatione
adversus
Abbatem S.
Vvillelmi &
depositione
ejus.